

Шармагор

Кузь нэм да бур шуд!

Эжва йывса войтырлөн газет



Петё 1929 восянь

Субёта, 2013 вося июнь 15 лун 70-71 (10658)-өд №

Вермисны кө, эськё пусь морттё вёчисны (коми шусьёг)

Эжва йывлөн слава

Альбина Ивановна Золотарёва



Чужис 1948 вося август 24 лунё Кулёмдиньн.

Ленинградса техникумын велөдчём бёрын ревизоралис да бухгалтералис Кулёмдинса орсын, 30 сайё во вёли медшёр бухгалтерён киносетёлён районса дирекцияын. Коммунистическёй уджывьса ударник. Бёрийылисны народнёй судё заседательён.

Верёсыскёд быдтис да велөдис ныла-пиаёс.

Уна вося бур уджысь сетисны «Уджывьса ветеран» медаль, уна почёт грамота. Олё Кулёмдиньн.

АСКИ - МЕДИЦИНАСА УДЖАЛЫСЬЛӨН ЛУН



ТӨДӨЙ, МЫЙ ВЫЛЫС

ПОЖӨГ ДОРЫН ЛӨСЬӨДИСНЫ ПОНТОН

Туйяс дзоньталан да вёчан Кулёмдинса участок дзоньталис Пожөг дорысь Эжва вомён вуджан понтон.

Вуджоны нин 8 тоннаөдз машинаяс. Локтан во кежлө тайё посё вужвийён дзоньталом вылө туй агентство лөсьөдас бала. Кырныша дорын понтон босьтчасны вёчны тёлын. Дзоньталас котыр, кодё вермас конкурсын.

ЧУКӨРТЧЫЛИСНЫ УНАСИКАС СЁРНИА ЙӨЗ

Зимстанын кышыда мунис «Уна рёма войывь» фестиваль.

Котыртисны овмөдчөминса администрация да посёлокса культура керка. Нуөдисны Важ Зимстанын. «Комистроймост» котыр отсалис вёчны сцена. Гаж вылө чукөртчылисны посёлокын олысь уна национальносъта йёз. Волисны и Лёгиньягысь, автобус вичмөдис ас вылө уджалысь П.И.Морохин. Сцена вывсьянь юргисны унасикас кывъя сыланкывъяс. Уна во сайын локтём йёз висьталисны, кыдзи веськалисны Коми муё, миян районё. Гажөдисны Аныбысь, Керчомъягысь, Носимысь, Визингаысь «Девчата», Зимстанысь «Пёлөзнича» да «Зимстаночка», Скөрөдумысь «Эхо» сылан котыръяс. Ас вылө уджалысьяс вузасисны пөжасөн, тшындөдм яйён, юктөдчисны чайён. Рыгнас сылысны да йөктисны ыджыд бипур гөгөр кытшлалөмөн. Лэдзисны салют, сөсся гажөдчисны культура керкаын.

МЕД ЭЗ ЛО ВОДДЗА ВОЯСЫН МОЗ

Видз-му овмөс министерствосысь районлөн юкөн да «Пожөг» кооператив аддзысьлисны Великопольеын, Кекурын, Пожөгын да Пожөгдиньн ас овмөсын скөт видзысьяскөд.

Сёрнитисны, кыдзи котыртасны мөс видзём, мед воддза воясын моз скөт эз таяв кооперативлысь муяс, эз косяв гөрдзымө гартём плёнка. Кооператив вичмөдас видзысь ю пөлөнысь. Овмөс кутысьяс асьнысь ньобасны көрттув да тьос-плака, потшясны. Пастукавны кутасны сөмын Пожөгын, конё уна мөс. Мукөдлаын скөт йиряс ас кежысь. Потшсьёмөн кооперативлөн воштөмъяс оз лоны.

ВЕТЕРАНЪЯСЛӨН КОТЫР УДЖАЛӨ БУРА

Немдиньн чукөртчылисны ветеранъяс, сёрнитисны, мый вёчисны во гөгөр чөж, урчитисны водзё вылө могъяс.

Чукөртчылөм вылө волисны тшөтш ветеранъяслөн райсөветөн веськөдлысь Г.А.Кравченко, пенсия фондөн веськөдлысьөс вежысь Г.Л.Ерчина да республикаса юралысьлөн районса примитанинөн веськөдлысь А.А.Кузнецова. Ветеранъяслөн Немдинса котырон веськөдлысь Н.Е.Тимушева вёчис асланыс уджлы кывкөртөд. Уджсө ставөн донъялисны вылө. Сёрнитисны, мый вылын кутасны уджавны водзё. А.А.Кузнецова төдмөдис районлөн талунъя серпасөн. Г.Л.Ерчина висьталис пенсияяс да автобусөн ветлөм-мунөмысь вештысьөмын кокньөдъяс йылысь.

Асланым да общ. корреспондентъяс, районлөн сайт вылысь.

Миян район нөбасысь аныяс да кага чужтысьяс кузя республикаын медводзын. Серпас ёна бурмис, кор кутисны сетавны федерацияса да регионса мам капитал.

- Зэв унаён чужисны кольём нэм помланьын, кор медучилище помалөм бёрын ме пыри уджавны шөр бурдөдчанялөн кага чужтанинё. Войся смена дырйи вайсылыс нель-ө-вит ань. Ме, челядёлён медсестра да санитарка и бабитлим. Чужысьяслөн лыд чинлис 1990 воясын. Онё акушерьяслысь юкөн артыштөма 16 койка вылө, нөшта нельөс лөсьөдөма луня куйлөм вылө. Юкөнын век эмөс нөбасысь аныяс. Виль оборудование отсёгөн видзөдам да төждысям аныяслөн да чужтём на кагаяслөн дзоньвидзалун вөсна, - висьталис акушерка Любовь Валериевна Колегова.

Нөбасысьяс вөсна төждысьөны танё, а чужтыны лэччөдөны юркарё. Но овлө, мый кага кадысь водз термасьё петны кынөмысь. Кольём воын юкөнын чужис 20 кага, таво сизим нин. Унаён лөсьөдөны мөд да коймөд кагаёс. Оз повны и 40 арёса да ыджыдджык арлыда аныяс. Онё асьныс нин лөсьөдчөны лоны мамъясөн найө, кодъяслы коркө отсалис чужны Любовь Валериевна.

Гижөд да снимок Марина ДАДАШОВАЛӨН.

Коми республикасысь бурдөдан юкөнса пыдди пунктана уджалысьяс да ветеранъяс! Став сёлөмянь чолөмалам тиянөс удж кузя праздникөн - медицинаса уджалысьлөн лунё!

Тайё лун лоё нөшта өти помкаён, медым висьтавны атгёалан кыгыяс налы, кодъяс сиисны асьнысё зэв колана уджлы - козыавны олөм, бергөдны йёзлы дзоньвидзалун.

Тян кывкутана, йёз вөсна төждысяна удж корө төдөмлунъяс да ыджыд сям. Ми олам войвылын, и поводдя тшөкыда падмөдө тиянлысь удж, та вөсна ковмылө пуктыны ыджыд вын да повтөмлун, медым дорйыны весиг өти олөм.

Ми вылө донъялам тиянөс помтём кутчысьөмысь, бөрийөм уджлы сёлөмөн сетчөмысь, йёз вөсна төждысьөмысь да зляям вёчны ставсө тиянлысь удж бурмөдөм могысь. Республикаын вөссьөны виль бурдөданяныс, кыгчө воё онёя кадся оборудование. Бурдөдан юкөнө локтёны томъяс, кодъяслы бур примерөн лооны медицинаын дыр уджалысьяс.

Ыджыд атгё бурдөдан юкөнса ветеранъяслы, кодъяс сиисны олөмсө бур ваян уджлы, а онё шойчөг вылынсь. Снам медицина юкөнса став уджалысьлы судзяна олөм, шуд, зумьдлун да сийөс, мый тё лышкыда сетаньид йёзлы - дзоньвидзалун.



Коми республикаса юралысь.
Коми республикаса Госсөвет.
Коми республикаса правительство.

Бурдөдан юкөнса пыдди пунктана уджалысьяс да ветеранъяс! Пөся чолөмалам тиянөс удж кузя праздникөн - медицинаса уджалысьлөн лунё!

Талун Кулөмдин районса бурдөданянысын зильөны вежөра, асьыныс удж бура төдысь специалистъяс, кодъяс дасьөсь лун көть вой локны йёзлы отсөг вылө.

Мывкыдлун, уджлы став сёлөмянь сетчөм отсалө видзны Россияса медициналы лөсялан медбурторъяс, ёнмөдө да видзё районса дзоньвидзалун юкөн.

Медицинаса уджалысьяслөн лун водзын снам тиянлы тыр-бур олөм, кышыл лов, нимкодь лөбмторъяс, ён дзоньвидзалун аслыныд да семьяяныдлы. Мед Гиппократлөн көс-йысьсөм серти уджалөм ваяс тиянлы уна атгёалан кыв да отсалас шедөдны уджын виль вермөмъяс!

«Кулөмдин» муниципальнөй районса юралысь - районса администрацияөн веськөдлысь Д.А.ПАТОХИН.
«Кулөмдин» муниципальнөй районлөн Сөветса председатель А.Н.КОНДРАШКИН.

РАСПОРЯЖЕНИЕ

5 июня 2013 года
с. Усть-Кулом, Республика Коми

№ 22

О проведении депутатских слушаний

Провести 17 июня 2013 года с 13 часов 00 минут в актовом зале администрации муниципального района «Усть-Куломский» депутатские слушания по теме «О соблюдении законодательства и эффективном использовании муниципальной собственности МО МР «Усть-Куломский».

Председатель Совета муниципального района «Усть-Куломский» А.Н.КОНДРАШКИН.